



- يوق ياۋروجىم، ساعت اون ايكى،
صوڭره وقت گىچر، دىيە قولتوقلرمدن
طوتارق قالدردى. قراڭلىق صوفەدن
بر لحظه دە گىچەرك اوطەسنە گىردى.
باغداش قورمش بر زىنجى يە بىڭزەين
سىيە و آچاق صوبە گورولدىيەرك
يانىيوردى.

- آ آ، پروين دە قالمىش!

پروين - خىدمەتچىمزدى - ئلندەكى
صارى گوگومى صوبەنڭ اوزرنند
ايندىرييوردى. اونڭ قالقاجغە هېچ
احتمال وىرەمزدىم. آنەم دېمىشدىكە:
- پروين هر صباڭ قالقار.

بن هېچ قالمادىغىم حالە اونڭ هر صباڭ قالمەسنە تەجىب ايتدىم. خرقەمى
چىقاردىلر، قوللىرىمى صىوادىلر، ابدست لگننڭ ياننە چوملدىم. آنە جگم:
- اويلە يورولورسڭ، دىيە كوچك بر ايسكىملەي قويدى، اوڭا اوتوردىم:
- هايدى، بىسملە چك.

پروين، ايليق صويى اَلرىمە دوکويور؛ آنەم باش اوچمەدە:

- يوزىڭى... قوللىرىڭى... يىنە اوج دفعە... دىيە فيصىلدايور، اونوتدقجە:

- آه، هانى باشكە مسح، گى اخطارلرلە ياڭلىشلىرىمى بڭا تکرار ايتدىرييوردى.
ابدست بيتنچە آنەملە برابر ياۋاش بر سىسلە نماز دعالرىنى اوقويارق قوللىرىمى و
يوزىمى قورولادق. ايصىنمق ايجون صوبەنڭ اۋڭنە گىتمىشدىم. ارقەمە دوننجە،
آنەمى سجادەيى آچييور گوردىم. صوڭره باشنە يشىل باش اورتوسنى اورتەرك بنى
چاغيرمشدى:

- گل!

گىتىم. كوچوچك بن، اونڭلە بر سجادەدە، بر ياۋرو صمىمىت و سعادتيە او معزز،
حساس آنە وجودىنڭ يانندە طوردم. ايكى لاقيردى ايلە بڭا، ياپاجغىمى، اۋلدن
اۋگرتدكلرىنى تکرار ايتدى: